

gotiationem exercentibus seriò præcipimus, ne quis prædictam  
Osualdi Crollii **BASILICAM CHYMICAM**, & Latino i-  
diomate conscriptam, & in Germanicum translata per de-  
cem annorum spatium, à prima cuiusque editionis die computan-  
dum intra Sacri Romani Imperii Regnorumque & Dominiorum  
nostrorum hæreditariorum fines, simili aut alio quouis typo vel  
forma, siue in toto siue in parte recudere, aut alio recudendam da-  
re vel alibi etiam impressam adducere, vendere aut distrahere,  
clam vel palam citra voluntatem & consensum prænominati Go-  
defridi Tampach, eiusque hæredum præsumat.

Si quis verò secus fecerit, & Priuilegium hoc Nostrum Cæ-  
sareum spernere, negligere, aut transgredi ausus fuerit, eum  
non solum huiusmodi libris perperam quippe recusis & adductis  
( quos quidem Tampach illiusque hæredes & mandatarii vbi-  
cunque deprehensos, siue propriâ auctoritate, vel Magistra-  
tus illius auxilio sibi vindicare poterunt ) de facto priuandum,  
verum etiam pœna decem marcharum auri puri Fisco Nostro  
Cæsareo fraudis vindici, & sæpedicti Tampach eiusve hæredum  
vsibus ex æquo pendenda decernimus, omni spe veniæ subla-  
ta, mulctandum, Dummodo tamen dicta **BASILICA**, nihil in  
se scandalosum, Orthodoxæ Religioni Catholicæ, Sacrique Ro-  
mani Imperii Constitutionibus aduersum, vel bonis moribus  
contrarium, siue in præfatione, siue in contextu, vel alias conti-  
neat, Et iam dictus Tampach terna vt minimum exemplaria pro-  
priis sumptibus quamprimum ad Cancellariam nostram Imperia-  
lem transmiserit, Mandamus ergo vniuersis & singulis nostris &  
Sacri Imperii Regnorumque & Dominiorum nostrorum hæredi-  
tariorum subditis & fidelibus dilectis, cuuscunque status, gra-  
dus, ordinis, conditionis, dignitatis aut præminentia existant,  
tam Ecclesiasticis, quam sæcularibus, præsertim verò iis, qui in  
Magistratu constituti, vel proprio vel superiorum suorum nomi-  
ne & loco iuris & iustitiæ administrationem exercent, ne quen-  
quam Priuilegium hoc Nostrum Cæsareum temere & impune  
transgredi, violare aut spernere patiantur, quin potius contuma-  
ces, si quos compererint, præscripta pœna plecti, aliisque ido-  
neis modis coerceri curent, quatenus eandem mulctam euitare,

&